

## Attachment 1

### a) Sar bušol i paramiča

### b) Sar bušon e valádatura, pa save vorbij pe andi paramiča?

#### Pa loulo ropaj

Sas jejkh papu taj mámi. Bešenas ando cigno kher taj sas le vi cigni bár. Taj jekhvar žal o papu andi bár te dikhel, sar bárol leske o loulo ropaj. Taj dikhel, hoť majnem maj báro-j sar o kher. Mindár nášlas palaj mámi te phenel lake: “Mámi, av maj, dikh andi bár. Bárilas amenge nađon báro ropaj. maj báro-j sar amáro cigno kher”. I mámi šutas tejle i krejtinca taj žal te dikhel. Taj kana i mámi dikhlas, sar-i báro o loulo ropaj, phendas: “Papu, so kerasa? Av žutin ma, cirdas les ávri.” Cirdel o papu, cirdel i mámi taj cirden, cirden, taj či bírin te cirden les ávri. Taj i mámi phenel pale e paposke: “So kerasa?” O papu phenel lake palpále: “Av žas kharas e žukeles. Žukel, žukel ká sal? Khate sim, haf haf. Av žutin ame, cirdas o loulo ropaj ávri. Ame či bírin. Mišto-j.” Cirdel o papu, cirdel i mámi, cirdel o žukel taj cirden, cirden taj či bírin te cirden o loulo ropaj ávri, Taj i mámi phenel pale e paposke: “So kerasa? O papu phenel lake palpále: Av žas kharas a muca. Muca, muca, ká sal? Khate sim, mňou, mňou. Av žutin ame, cirdas o loulo ropaj ávri. Ame či bírin. Mišto-j.” Cirdel o papu, cirdel i mámi, cirdel o žukel, cirdel i muca taj cirden, cirden taj či bírin te cirden o loulo ropaj ávri., Taj i mámi phenel pale e paposke: “So kerasa?! O papu phenel lake palpále:” Av žas kharas a ša. Luluďinka, Luluďinka, ká sal? Khate sim, mámi taj papu. Av žutin ame, cirdas o loulo ropaj ávri. Ame či bírin. Mišto-j.” Cirdel o papu, cirdel i mámi, cirdel o žukel, cirdel i muca, cirdel i šej taj cirden, cirden taj či bírin te cirden o loulo ropaj ávri. Taj i mámi phenel pale e paposke: “So kerasa?” O papu phenel lake palpále:” Av žas kharas e šimijákos. Šimijáko, šimijáko, ká sal? Khate sim. Av žutin ame, cirdas o loulo ropaj ávri. Ame či bírin. Mišto-j.” Cirdel o papu, cirdel i mámi, cirdel o žukel, cirdel i muca, cirdel i šej, cirdel o šimijáko taj cirden, cirden taj ekcere tejle peren. O loulo ropaj ávri line. Sa keťii sas, sa kezinde te asan. Taj i mámi gejljas te kiravel zumi pa loulo ropaj. Kana má kiradi sas, šutas sakoneske andá la. Nađon láši sas taj ízívo

Taj dikhes, kodo maj cigno žutindas e ávren. Te či aviloun khote, či bírindoun te len ávri o loulo ropaj. Taj kadej-i vi maškar ame. Ko si o maj cigno, šaj avel vi maj báro.

**[for teacher]**

**a)** *pa loulo ropaj*

**b)** *o žukel, i muca, o šimijáko*